



Inatsisartunut ilaasortaq
Lars Poulsen, Siumut

§ 37-apeqqut nr. 190-2021 Tasiilami Erngup nukinganik nukissiorfik pillugu akissut

Allakkiaq: 07-01-2022
Suliap normua.: 2022-104
Akt-id: 18906431

Asasara Lars Poulsen

Postboks 1614
3900 Nuuk

Inatsisartut suleriaasianni § 37 imm. 1 naapertorlugu Naalakkersuisunut Tasiilami erngup nukinganik nukissiorfik pillugu apeqquteqaateqarsimavutit. Apeqqutit uannit akineqartussanngorlugit innersuussutigineqarput.

Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Tasiilami erngup nukinganik nukissiorfiup inuttussutsimut pilersuinera inoqassutsimut naleqquppa naammappa?

Akissut:

Akissuteqaammut Nukissiorfinniit paasisutissat ataani taakkartorneqartut pissarsiarineqarsimapput:

”Tasiilami erngup nukinganik nukissiorfik 1,3 MW-nik imaqqortussuseqarpoq. Tamannalu Tasiilap innaallagissamik pisariaqartitaanut naammalluni, illoqarfiullu ilaanut innaallagissiornikkut qaminneqarsinnaasumik kiassarnermi pisariaqartinneqartoq aamma ilanngullugu. 2020-mi 5,3 GWh innaallagiaq kiisalu 0,35 GWh innaallagissiornikkut qaminneqarsinnaasumik kiassarnermut immikkoortinneqarsimavoq.

Taamaasilluni Tasiilamit erngup nukinganik nukissiorneq innuttaasut innaallagissamik annertussutsikkut pisariaqartitsinerinullu naammappoq, taamaatorli kiassarnikkut pisaqariaqartitsinerinut naammannani.

Tasiilap illoqarfiit allat assigalugit erngup nukinganik atuisutulli inissisimavoq, innaallagissiorneq erngup nukinganik nukissiornikkuinnaq pilersinneqartarluni. Tamannattaq atuuppoq illoqarfinni Sisimiut, Ilulissat aamma Nuummi. Taamaattoq erngup nukinganik nukissiornermi kissarniliornermik pilersitsoqanngilaq. Kiassarneq oliefyrimit kiassarnermit pilersinneqartarpoq.

Nukissiorfiit Nukissiuuteqarnermut imermillu pilersuineramik immikkoortumut pilersaarusiap atuutsinneqalerneranit 1. januar 2018-miit Tasiilami erngup nukinganik nukissiorfiit pitsanngoriartinneqarnissaanut suliniutinik piviusunngortisisimapput. 2018-imi erngup nukinganik innaallagissiorfimmi teknikkikkut allannguutit atorlugit atorluaanerulerneq piviusunngortinneqarsimavoq. 2019-mi erngup nukinganik innaallagissiorfimmu atassuteqartup tatsip annertusarneqarnera piviusunngortinneqarsimavoq. Taakkua tamarmik erngup nukinganik innaallagissiorfimmu pitsannguutaqaataangaatsiarsimapput.”

2. Illoqarfimmi Tasiilami suliffinnik annerusumik pilersitsisoqassappat erngup nukinga allileqqaanngikkaluarlugu nammappa pilersuissalluni?

Akissut:

Nukissiorfiit paasissutissiippat, maannakkut nukissiuummik tunniussinnaasaminningaanniit annertunerusumik, erngup nukinga atorlugu, tunniussaqsarinnaanatik. Taamaattoq erngup nukinga atorlugu nukissiornerup annertusineqarsinnaanera periarfissaasoq. Naalackersuisut september 2021-imiilli Nukissiorfiit attaveqatigisarpaat, Tasiilami erngup nukinga atorlugu nukissiorsinnaanerup annertusineqarsinnaanera aningaasalersuinertaanullu tunngasut pillugit periarfissat pillugit.

3. Allilerneqassappat qanoq naleqassava?

Akissut:

Akissuteqaammut Nukissiorfinniit paasissutissat ataani taakkartorneqartut pissarsiarineqarsimapput:

”Erngup nukinganik innaallagissiorfiup annertusisarnissaanut immikkut nukissiorfimmik Tatsip 160-p aamma Tatsip 100 akornanni pilersitsinissaq periarfissaavoq. Tamanna erngup nukinganik innaallagissiornerup iluani innaallagissiornerup minnerpaamik 50%-mik annertusineqarnissaanik isumaqarpoq. Nukissiorfinit missingersuutigineqarpoq minnerpaamik tamanna immikkut ittumik nukissiorfeqalernissaq kiisalu illoqarfimmu pilersuinerami attavilersuinissaq katillugit 40 mio. kr. naleqassasoq. Taassumattaq saniatigut Tasiilami nukissiuuteqarnikkut pilersuiffiit sanaartukkallu annerusumik illuinnaanerat pillugu innaallagissiornikkut attaveqaatit sakkortusarneqarnissaannut kiisalu innaallagissiornikkut ikkuffinnik pisiortornissaq aamma avaqunneqarsinnaassanngilaq.”

Inussiarnersumik inuulluaqqusillunga


Kalistat Lund